

مستطابق

مطبع و محل اداره :

جفال اوغلنده امنیت
صندوقی حواری
شکول یقوشنده
۲۰ نومرو

اضطار :

مسلمکزه موافق آثار
جدیه مع المنونیه
قبول اولنور
درج ایدله بن آثار اعاده اولنور

دیر ، فلسفه ، علوم ، حقوق ، ادبیات تاریخ ، سیاسیات و بالخاصه احوال و شئون اسلامیه و بحث ایدر و هفتده بر نشر اولنور .

صاحب و مؤسسی :

درسعادته نسخہ سی ۵۰ پاره در
قبیلہ دن مقوا بورو ایلہ کوندربلیرسه سنوی
۲۰ غروش فضله آلنیر

ابوالعلا زین العابدین - ح . اشرف ادیب
تاریخ تأسسی
۱۰ تموز ۱۳۲۴

آبونه بدلی

سنه لکی	التی آیلانی	غروش
۶۵	۳۵	۳۰
۶۰	۳۰	۲۰
۱۷	۹	۱۷

ممالک عثمانیه ایچون
روسیه
سائر ممالک اجنبیه

آلتیجی جلد

۱۰ رجب الفرد ۱۳۲۹ پنجشنبه ۲۳ حیران ۱۳۲۷

عدد : ۱۴۸

عینی در : که شمسک ، مشرق کائنات اوزرنده وجوده کتیردیکی
« مناظر طلوع وغروب موجب استغرابی اولور ، افنده کی سحابی پاره لک
او زمانارده عرض ایلدکری الوان زاهیه ، ذهن و فکرینه وله ویرر ،
ایستکه اکنتاه حقیقتلرینه یول بولسون . اسباب حصولیه لری نه اولدیغی
اکلاسون !

لکن هانکی واسطه ایلہ که ، خزائن اسرار طبیعت کندیسنه قارشی
« اذدر جهل » ایلہ مطمئن ، او اسراری اداره ایدن « قوانین طبیعیه »
کندیسنک بیلمدیکی لسان اوزره محرر ! بو ذاتک او حالده کی مساعی
دماغیه سی فصل اولمق لازم کلیر ؟

لاشک ، دائره تصورنده بر طاقم نظریات عنیدیه وجود ویرر ،
بر جوق اسباب وهمیه ابتکاریلده او نظریاتدن برینی تأیید ایلر ،
وبالنتیجه مطمئن جازماً حکم ایدرکه ؛ او الوانی وجوده کتیرن حقیقت
ذاتیه ، لوح ذهننده اخیراً نکار شیاب اولان نظریه دن بشقه بر شی
دکلدر !

جوق سورمن ، تلاحق ایدن بر حسن دیکرله واضحاً مشاهده
ایلرکه : حقیقت ذاتیه اولمق اوزره تلقی ایتدیکی نظریه کلیاً فاسددر ؛
بناء علیه : اولجه رصانته قائل اوله رق حریم خیالنده انشا ایلدیکی
او نظریه بی ده تا اساسندن هدمه مجبور اولور ، هدم ایدر ، دیکر برینی
آنک یرینه اقامه ایچون صرف ذهنه قویولور .

آنک بو حال اوزره حاصل ایده جکی نتیجه ایکیدن خالی دکلدر :
یا اودرکه وسوسه شعار فیلسوفلر کی . . . هیچ بر حقیقت اوزرنده
استقرار فکره مرفق اوله میهرق . عمر قیمتدارینی تعقیب وهمیات ایلہ
اضاعه ایدر ، یاخود بر فکر ناصوابک قانع اصابتی اوله رق مراحل
عمرینی راحله جهل اوزرنده الی النهایه طی ایدر کیدر . . .

لکن بو ذات اوله ایتیمیده ، هر برظاهرة کونیته نک بر ویامتعدد

فاضل مکرم ، محمد فرید وجدی بک « الاسلام فی عصر العلم » نام اثرندن :

« فساد اجتماعی زه زه دن کلدی ؟ »

معلومدر که جسم انسانیده پذیرای وجود اولان هر بر مرض ،
دائماً بر ویامتعدد عرض خارجی ایلہ مترافق بولنور .

امراض اجتماعیه ده او یله در ، آنلرده عارض اولدق لری هیات
اجتماعیه ابداننده کندی نوعلرینه خاص اولان بر طاقم اعراض وجوده
کتیرلر . انظار بسیطه اصحابی علی الاکثر دوچار خطا اوله رق و اعراضی
نفس مرض ، نفس علت صورتنده تلقی ایدرلر . حقیقتده ایسه
اعراض خارجی ده دن بشقه بر شی دکلدر . کندیلرینی تولید ایدن
علل و امراضک استعدادات ذاتیه لرینه تابع اوله رق ، آنلرک صورت
سیر و ترقیلرینه کوره رنگدن رنگه تحول ، شکدن شکله انتقال
ایدرلر .

محتاج بیان دکل : بو کون جمله مزک عیاناً مشهودیمز اولدیغی اوزره
بنیان اجتماعیمز « وحشی مدنی هر حالده بر نوع مرض ایلہ
مصابدر ، تداوی واجب !

بر علتی انذار ، لاشک اول امرده آنی تشخیص ایلہ ممکن اولور .
بناء علیه ، اقتضا ایدرکه رجای عافیتمز اولان هر شیدن اول ذات
مرضی خطاسز اوله رق تشخیصه سعی ایدلم : ذات مرضی بر طرفه
براقوبده اعراضده کی تغیرات اطوار و تحولات اشکال تدقیق یولنده
بذل ایده جکمز هر بر اعتدال ، صرف ایلیه جکمز هر ثانیه عمر ،
لاجرم هدردر . انذار و تلف در .

بزم او درجه لرده متاعب و مشاق اختیاریلہ تدقیق اعراضده واصل
اوله جغمز نتیجه ، او شخص بسیط الفکرک حاصل ایده جکی نتیجه نک

اسباب طبیعی سی بولمق اقتضا ایده جگنی پیش نظره آله رق، عمر لرینی ظواهر طبیعی بی تدقیق یولنده افنا ایدن ارباب علمه مراجعت لزومنی درک ایله ، او واسطه ایله بلاتعب اوکره نیرکه : او الوان باهره بی وجوده کتیرن سبب اصلی «شعاع شمس» ایله سحابیاره لک اختلاف کشفاتی در. یینه او واسطه ایله - ضیا ، انکسار ، شعاع ، الوان شمس - نظریاتنه ده کسب اطلاع ایله لکه مشکلی تماماً حل ایدر . اجتهادنده کی فوز و ظفرله مسرور و کامین ، حصول املیه شاد و فرحیاب .

ولو بو موفقیت کنیسنه ، مکتب چوجقلری منزله سنه اینه رک سنه لرجه علوم طبیعی تحصیل کی کلفتله مقابله سنده تأمین ایدلش اولسون . او کلفتلری اختیار ایتک کنیسی چون ، هر مشهوره قارشی بغیر عرفان حیران اولمقدن ، اشیایی میزنسک غیریه ولچهرک خسران فکری یه اوغرا مقندن البته اولی در .

براعت قلمنه اعتمادی اولان هر منشی بیایی یازیور ، فصاحت بیانندن امین اولان هر خطیب صیحات مدیشه ایله مسلسل سولیلور؛ بزده آنلرله برابر فریاد ایدوب دیورزکه : بزله ، بر ویا برقاج علل اجتماعی ایله مضایر . بو علل اجتماعی، هیئت مجموعه مزنی زیر استیلانسه آلمش ، طریق تمدنده بر خطوه بیله تقدم ایتمه مزه مجال ویره میور ، آز چوق مال و منالزی و بالجمله خیرات و منافع مزنی مطامع اجنبیه سهامنه هدف ایلور .

دها نه دیورز ؟ اوت . دها دیورز که : بو علل اجتماعی عواطف نفسیه مزه هجوم ایدیور ، آنلری سراپا قتل و اقلاف ایلور؛ احتیاسات قابیه مزه تهاجم کوستریور ، نفسله ریمزده شرائف خصالدن اثر بر اقیور .

حیتمزی اخاد ، ارادتمزی سلب ایدرک بزلی هر طرفدن اولیه شدید بر صورتده تحت حصره آلدیلر که یأس ، صفات ذاتیه مزدن بر صفت اصلیه شکنی آلدی ، لوازم طبیعتمزدن بر جزء ثابت حکمنه کیردی . ثمرات معهوده سی ، نفس ملیمزده فرداً و جمماً حصوله باشلا یه رق : ملیتمزدن تبری ، اجابی تقلید ، اسراف وترف ، اهل و تکاسل ، منافسه ، یکدیگریمزه ایراث خذلات کی وصفلر شعار خاصمز اولدی، که بو اوصافک نتایج یأس اولان مصائب اخلاق جمله سنندن بولندقلری محل معارضه دکلدلر !

دها نه دیورز ؟ اوت ، دها دیورز که : بو حالله باعث اولان سبب : عدم دین ، عدم فضیلت ، عدم تربیه ، عدم تناصر ، عدم تعاطف ایله عدم غیرتدر . امور خیریه ایچون اغنیانک بذل اموالده امساکی ، علمانک ارشاد امتدن تقاعدی ، امرانک سؤسیاستی ده او اسباب جمله سنندلر .

دها نه دیورز ؟ اوت دها دیورز که : عهده لریمزده ترتب ایدن وجائب : متدین ، فضیلتکار ، متربی ، متناصر ، متعاطف و غیور اولمقدن . اغنیانک اهل بذل و نثار ، علمانک اصحاب فضل و ارشاد ، امرانک ارباب حسن سیاست اولملری ده او وجائب میاننده داخل در .

دها ؟ دها بشقه برشی دیدیکمز یوق ! بدأ ایتدیکمز سوزلری اعاده ایتدیکمز سوزلرله بدأ ایدرک ، مطویاتمز نشر ایله صباحلیوب ، نشریاتمز طی ایله اقشام ایدیورز !

لکن بوزمینده کی مقالات فارغنه دن کابلرده قارئلرده بیقصدی اوصاندی ، اوکی نتیجه سز خطبه لر دن خطیلر دن مخاطبلر ده ملال کتیردی ! عاقبت ، نصیح ایله هذیان مرتبه واحده ده استوا ایلدیلر ! لازم کلدی که ، اصلاح شئونمز ایچون بر بشقه وادی اختیار ایدلم . او وادی دیگر ای انتخاب ایتمه مزده سهولتله میسر اولدی ! نصاحی شتاء تبدیل ایتدک . افراد امتی علوه مته ، شرائف خصاله دعوت ایچون سرد ذمائم ، شهر مائم طریق لرینی التزام ایدرک ، بو طرز نوین اوزرده الحق هنرلر ابراز ایله دک . اوراده لرده که ، شمدی هیچ برکاتی ذی اقتدار عدایمه یز : مکرکه تصویر فواحش و رذائلده ، هر مذهبه سلوک استطاعتنه بلاقصور صاحب اوله ! کذلک ، هیچ رخطیبی ده رب البیان عدایمه یز : مکرکه وجوه فضایح و معاصی بی تقریرده ، سفاهت بیان اربابنک مجموعه قارشی مسلم الرجحان اوله ! . میلار خلق ، بو جریان فاضحه منصب اولنجه : سیل العرم و قاحت ، اولانجه شدتیه طغیان ایدرک ، ریاض حیا وادیده استیلا ایتدک محل بر اقدی .

بناء علیه : السنه و اقلام ، ذکر فضایح و تخنیق قبیاحده یکدیگر یله مسابقه یه قویولدیلر ! سامعه لریمز ، استماع مقادیر و مثالب ایله پیدای انسیت ایتدی ! قلوبمز ، تأثیرات سب و شتمه قارشی ، مستریحاً آمناً خواب راحت طالدی !

اصول تهذیبک بونوعنه معروض اولان بزله : من طرف الله لابس اولدیمز خلعت حمیتدن کنندی رضامنزه تعری ایتدک ! نسلاً بعد نسل توارث ایتدیکمز ردای شهامت کنندی الیزله چکوب چاک ایلادک !

بو بلایانک مولدات طبیعی سنندن اوله رق ماینیمزده - یومی واسبوعی - اوله جرائد انتشاره باشلادی که : شرافت انسانیه نایمک اولدیغنی بیلدره کوره ، ترک عار و خلع عذار ایتدیکجه ، مطالعه لرینه جرأت اقصای مستحیلات ! شرع حیا عفتده : دکل مطالعه لری ، ذکر ناملری بیله اعظم محرمات !

اوجرائد ، طرف امتدن آزچوق روی اعراضده کورمدیلر ! بالعکس ، الشدید و الکمدید رغبتله یینه اوجرائد مظهر اولدیلر ! زیرا کنیدلرینی وجوده کتیرن استعدادات متقدمه : طبقاً و عیناً ، مظهر اولدقلری رغبتلرکده اسباب متقدمه سی ایدی !

انهار افکارک ، اوبحار اقتداره طوغری میل و انحدارنده کی سرعت و شدتی کورمک ایسترایسه کز ، انظار خاطره کزی اطراف کزده فاصلات متقاربه ایله حلقه لر تشکیل ایدن ابنای وطن کزده عطف ایلکمز ! باقکمز فصل سراپا سمع کسپله مشلر !

ما بعدی وار

عمر لطیفی